


Ang IYONG DADALAWANGPUING PISO

♥♥♥• *ni* LUCILA CASTRO EVANGELISTA •♥♥♥♥



MARCELO ROBLES-53

IPININID ni Abogado Murillo ang aklat na kanyang binabasa at tiningnan ang orasang nasa tapat ng kanyang mesang susulatan.

Dinalaw siya ng pagkainip, sapagka't hindi dating umaabot sa gayong oras ang pagdating ni Melda. Dati, ika-pito, o ika-pito-at-kalahati pa lamang ng gabi ay dumarating na yaon, at tigib ng pangambang itinatanong kung silang mag-aamá ay nagsipaghapunan na. Nguni, ngayon ay ikawalo na at kalahati ay wala pa ang minamahal niyang kapilas.

Sumibat ang pangamba sa kanyang diwa, kaya kinuha sa pagkakasampay sa likuran ng kanyang likmuan ang amerikanang ginamit niya sa maghapon. Subali't hindi pa niya natusuut ya-

on nang ganap ay bumukas ang pinto ng kanyang silid-aklatan, at nadama niya agad ang mabibilog na mga bisig niyon.

—Dear,—ang malamyos na bungad niyon,—nainip ka na, ano? Nakangiti si abogado Murillo nang yaon ay mangusap:

—Nainip nga ako,—anya.—sapagka't nag-aalala akong may nangyayari sa pamilihan kaya ikaw ay nababalam.

—Wala naman, dear. Kaya lang, si Cely ay napasama sa akin sa pagkuha ng ipinatahi niyang 'evening dress' sa 'Carolinas', at... alam mo... —nagtawa si Melda,—pinilit niya akong isukat ko yaon... Ayaw ko dahil 'backless'. nguni, pinilit niya ako nang pinilit, at...

Nakikinig na nakangiti si Abo-

gado Murillo.

—...at, isinukat ko yaon... At, bagay na bagay pala sa akin ang gayong yari ng damit!

Nakatitig na nakikirandam si Melda sa nakangiting mukha ng mapagmahal niyang kabyak nang siya ay makatapos.

—Itig ba ng aking 'Mrs.' na magkaroon siya ng gayong uri ng damit? —matapat ang tinig ni Abogado Murillo.

—Saan ko naman gagamitin?—ang may lungkot at panghihinayang na wika ni Melda.

—Sa alin mang malalaking pagtitipong dadaluhan natin,—sambot agad ni Abogado Murillo.

Napakurap-kurap si Melda. Diyata at siya'y makapag-aari ng 'gayong'? Napadaop-palad siya. Patakbong napalapit sa asawang

manananggol, at nilagdaán ng isang matunog na halik ang noo niyon.

Ang unang dinaluhan nina Abogado Murillo at Melda ay ang pagdiriwang ng kaarawan ng kasal ng mga Linsang. At, ang gabing yao'y naging simula lamang ng maraming-maraming gabing maliligaya sa buhay ni Melda. Subali't mga gabing kalimita'y hindi kaalakbay si Abogado Murillo. Sapagka't, samantalang si Melda ay nakangiting sumasayaw sa saliw ng isang balse, si Abogado Murillo naman ay kunot-noong nagsusuri sa mga salaysay at pangyayari sa hawak niyang usapin. Kadalasan, samantalang si Melda ay tigib-siglang umiikit sa

wagsubaybay ng isang tanggo si Abogado Murillo naman ay nagpipiga ng isip sa paghanap ng paraan kung paano malulusutan ng isang suliranin.

...Hanggang isang gabi ay napansin ni Abogado Murillo ang isang laso na pang-solapa ng 'amerikano' sa may ilalim ng toador ni Melda. Na katabi naman ng kanilang hihigan. Dinampot niya yaon, at nakilala ng mananggol na hindi kanya ang lasong yaon. Walang masamang hinalang itinago niya ang bagay

na yaon sa kanyang susulatan.

x x x

Ang pagiging maalalahanin ni Melda ay hindi nagbabago, dapuwa nagkakaroon ng pagkakaliba ang sinag sa dati'y maluningning niyang mga mata, at naging tila hintakat at balisa ang dati ay matiwalang niyang kilos.

Patuloy si Abogado Murillo sa pananamihimik at sa pagbibigay-laya sa kanyang ginang sa lahat ng mga lakarin, nguni, patuloy din siya ay nakikiramdam sa mga kilos ng kanyang ginang.

Isang araw ay napuna ni Abogado Murillo na tila may itina-

gong bagay si Melda sa ilalim ng salansan ng kanilang unan. May sumundot-tila noon sa kanyang puso. Kasabay na isang hinala ang bumaliti sa sadyang naaalimpungan niyang pamamansin, nguni, nag-anyo siyang walang napuna.

Namumutla, dapuwa nakangiti pa ring sumalubong si Melda sa asawa. Tinatakan ng halik ang may kunot niyang noo, at sakasinabi: "Bakit, Dan? Bakit ka umuwi nang ganitong oras? May nalimutan ba ikaw?"

Wala siyang karamdaman. Ang totoo ay may nalimutan nga lang siyang dalhin sa kanyang bupete na ayaw naman niyang ipakikuhang sa iba dahil sa yaon ay mahalagang katibayan sa isang inu-usig. Si Melda naman ay nasa bahay dahil sa naghahanda ng isang malaking bulaklak na gagamiting palamuti sa pang-gabing damit na isusuot sa pagtungo niyon sa Riviera sa gabing yaon. Subalit sa halip na iyon ang sabihin ay tinutop ang kanyang noo at saka sinabi:

—Masakit ang aking ulo Dear, at ibig kong mamahinga...

Nilingon ni Melda ang salansan ng mga unan.

—Ibig kong malayo muna sa mga katok ng makinilya sa tanggapan... Ibig ko ring matulog... —at umupo siya sa gilid ng hihigan.

—Matutulog ka pala... Hintay ka't aayusin ko muna ang hihigan...

—Huwag na Dear... —ang nakangiti ay umiiling na wika ng manananggol. —Ako na ang bahala diyan... Ako'y naiinitan kaya ipagtimpla mo na lang ako ng 'pontse'. Dagdagan mo lamang ang yelo at kalamansi!... Ibig ko'y malamig na malamig!

Kapunapuna ang pag-aatubili ni Melda sa paglabas.

Nguni nilingon siya ni Abogado Daniel Murillo. —Sige na Melda. Ako na ang bahala rito... Ako'y naiinitan... at ipakipinid mo lang ang pinto pagkalabas mo...

x x x

Kaalinsabay ng pagkakapinid ni Melda sa pinto, ay nakuha ni Abogado Daniel Murillo ang puting papel na inilagay ng kanyang ginang sa ilalim ng salansan ng unan. Sa saglit niyang pagkabasang yaon ay kuminig ang kanyang mga kamay at nagtila apoy ang sinag sa kanyang mga mata.

Bigla siyang nagbangon at nagbalak na lumabas upang sundan ang asawa, subali nagbagong-loob siya. Sa halip: nang marinig niya ang lagaslas ng tsinelas ni

Melda sa may bulwagan, ay mabilis niyang tiniklop ang maputing papel na yaon. Kagyat na ipinailalim sa unang pinanggalingan, humiga nang matuwid at saka pumikit.

...Naramdaman niya ang kailansing ng mga kristal na kasangkapan na inilapag ni Melda, sa ibabaw ng mesita, nguni, hindi siya tumina at nagkunwang natutulog.

KULIMLIM na ang araw nang siya ay nagbangon. May pilit na pinasayang ngiti siya na isinalubong sa nangangambang titig ng kanyang magandang asawa. Tinapik-pa niya yaon sa magkabilang pisngi nang siya ay magpaalam.

—Hahating-gabihin ako, Dear, mamaya, kaya kayo na lang ni Cely ang lumakad mamaya. Sino ba ngayon ang 'escort' ni Cely?

—Sino pa? —di si Nestor din! —nakatawa si Melda.

—Eh ang 'Mrs.' ko naman. Sino naman ang 'escort'?

—Sino pa? Di wala!... Ikaw eh, ayaw mo akong sasamahan!

Kinurot ni Abogado Murillo ang namumurok na mga pisngi ng kanyang asawa.

—Hayaan mo. Pag naipanalo ko ang usaping ito na nagpapasakit ng aking ulo ay masasamahan na kita.

x x x

Isang gabi...

Marahang tumayo si Abogado Daniel Murillo sa tapat ng isang nakapinid na pinto ng silid sa Elkes Hotel. Tininyak niya sa bilang na itinala niya sa kanyang kartera ang bilang ng silid na kanyang hinahanap. Tim-bagang siyang kumatok.

Walang sumagot, nguni, may naulinigan siyang kumaluskos sa loob ng silid.

Muling kumatok si Abogado Daniel Murillo.

—Sino iyan?—tanong ng nasa loob. Tinig lalaki.

Lalong nag-ugat ang noo ni Daniel Murillo.

—Sulat, —tugon ni Abogado Daniel Murillo na nag-anyong 'hotel boy'.

—Sulat? —tugong muli ng lalaki sa loob ng silid.

—Opo, —tigib ng pagtitimping patunay ni Daniel Murillo.

At.

Biglang itinulak ni Daniel Murillo ang pintong yaon. Simbilis ng sang-kisap-mata ay nakapasok si Abogado Daniel Murillo at kagad naipinid ang pintong yaon.

Dalawang nabaklahanang tinig ang sabay na narinig sa loob ng silid na yaon. Nguni, matatag si Daniel Murillo sa mahigpit na

Hit
"pay dirt"

in

SANTA
MESA
HEIGHTS



Ang mga loteng nabili noong taong 1947, sa Cordillera, Quezon City sa halagang P8.00 isang metro kwadrang parisukat ay nagkakahalaga ngayon ng P15.00 isang metro kwadrang parisukat pagkaraan ng isang taon. Gayundin ang mga nagmamay-ari ng mga loteng nabili noong taong 1947 sa Cordillera, Quezon City sa halagang P8.00 isang metro kwadrang parisukat ay ipinagbibili sa halagang P40.00 isang metro kwadrang parisukat ang nasabing lote noong taong 1952.

* Isang maunlad na komunidad

* daang patungo sa Maynila

* Isang pook na matahimik at maginhawang tirahan

ipinagbibili sa magaan na paraang hulugan

GREGORIO ARANETA, INC.
REAL ESTATE DEPARTMENT
J. Araneta Bldg. 343 Echague, Manila Tel. 3-2941



Ang nasa larawan ay ang batang si Erlinda Pasno, na siyang naging Valedictorian sa Regidor Elem. School sa Zurbaran, Maynila. Siya'y anak ni na G. Carlos Pasno at Annie Mendoza.

pagkakahawak sa kanyang sandata. At, mahina, subali, puno ng tapáng na binigkas niya:

—Kayo ay kaya kong patayin... Sa pamamagitan ng rebolber na ito'y mapapatay ko kayo!

Nanginginig si Melda Santillan sa pagyakap sa maputing kumot na itinatabing sa kanyang katawan. Si Dr. Tanghal naman ay naghahanap ng matatakanan.

Nagpatuloy si Abogado Daniel Murillo:

—Subali, hindi ko kayo papatayin—maliban kung kayo ay maghahangad na tumakas. Wala kayong mabuting magagawa ngayon kundi ang magayos, at pagkatapos ay maupo kayo sa harap ng mesitang yaon at mayroon tayong pag-uusapan.

.....

—Ngayon ay naito ang aking pluma. Sulatin mo ang sasabihin ko, marangal na doktor. Sa Kinauukulan:

Kami ni Gng. Daniel Murillo ay nahuli ng kanyang asawang si Abogado Daniel Murillo, sa silid na ito Blg. 13 ng Ekes Hotel.

Isinusumpa kong walang makaalam nito kundi kaming tatlo lamang, at kung may ibang makababatid nito dahil sa akin, patayin man ako ni Abogado Daniel Murillo, ay sapat na katibayan ang liham na ito upang siya ay pawalang-sala.

Nilalagdaan namin:

Dr. Jacinto Tanghal, at
Gng. Imelda Santillan ni
Murillo

Pagkatapos na malagdaan yaon ng dalawang makasalanan ay kinuha yaon ni Abogado Murillo, pati ang ginamit na pluma at maliksing isinalukbutan ang mga yaon.

—Ngayon, —makapangyarihang wilka ni Daniel Murillo, na lalong

hinigpitan ang pagkakapigil sa hawak na rebolber.—Dukutin mo ang iyong kartera.

Sumunod si Dr. Jacinto Tanghal.

—Kunin mo ang lamang salapi. Dumukot si Dr. Tanghal. Li-

mang dadalawampung-piso ang nalantad sa mga mata ni Abogado Daniel Murillo.

—Ibigay mo sa aking ginang ang isang dadalawampung-piso mo.

Sumunod si Dr. Tanghal.

—Ngayon ay makalalabas ka na.

Sumunod na lalo si Dr. Tanghal.

Pagkatapos ng ilang saglit ay si Abogado Murillo naman at ang ginang niyon ang magkaalakbay pang nanaog sa otel na yaon...

MARAHANG itinulak ni Abogado Daniel Murillo ang pinto ng

silid sa kanyang likuran sa pamamagitan ng kanyang kaliwang kamay at sa tulong ng kanyang kaliwang paa. Ang namumutla niyang ginang ay nangangaykay na nakasandal sa kanilang tokador.

Tinitigan muna ni Daniel Murillo ang nakahahabag na anyo ng kanyang ginang, at saka nangsap nang marahan sa kanyang dating marangal at kapitapitang tinig:

—Maganda kong asawa... Asawa kong kinuha sa karalitaan... Walang dunong at walang malay sa maraming bagay, subali aking minahal, inaruga, pinagkatiwalaan at binigyan ng dangal...

—Wala akong nakikitang dahilan upang ako ay pagtaksilan mo! Kung ikaw lamang ay dahop sa salapi, sagana sa hirap at salat sa lahat ng bagay ay kikilalanin kong ikaw ay nasa

matuwid... Nguni sa kalagayan mong iyan...

—Patawarin mo ako, Daniel!— paluhod na samo ni Melda

—Hindi ko ikaw maaaring mapatawad. Ngayon ay wala akong masasabi kundi ito: Alisin mo ang larawan nating yaon nang tayo'y ikasal sa kuwadrang yaon. Sunugin mo ang larawang yaon. nguni sikapin mong malihim sa kaalaman ng mga bata. Pagkatapos, ay ang dadalawampung-piso na ibinigay sa iyo ni Dr. Tanghal ang ilagay mo roon. Dapat mong mahalin at pakaingatan ang dadalawampung-piso mong iyon, sapagka't ang taglay niyon ay ang pagkakatapon mo sa kahalagahan ng ating pagkakakasal; ang pagkakapagpa-walang-kabuluhan mo sa aking pagtitiwala at pagmamahal, at ang pag-

Maging Tampok na paghanga!

Narcissus
(Pabango ng Kamahalan)

Royal Emilia
Parfume ORLON
(Nakatutuksong Kabanguhan).

Santal
(Halimuyak ng Bulaklak).

Ipinamamahagi ng
TABORA DRUG & PERFUMERIES
(TABORA BAZAR)
Pakinggan ang aming mga palatuntunan sa DFFM, "Golombong" tuwing Martes, Huwebes at Sabado, 5:30-5:45 P.M. Lunes hanggang Sabado, 5:45-6:00 P.M. at 6:00-6:30 P.M.

kalimot mo sa kinabukasan ng iyong mga anak... Ipinaaalaala ko lang sa iyo na huwag mong pahihiwatigan sa mga bata ang kahulugan ng dadalawampung-piso mong iyan sa kuwadro. Dapang mong kilalanin na ikahihiya nila iyan at magiging daan ng kanilang hindi ipagtatagumpay... at maaaring sumpain ka pa nila... Iyan na lamang. Pagdating ko'y ayaw kong nariyan pa ang larawang iyan: Ang daratnan ko ay ang dadalawampung-piso mo. Nauunawaan mo ba ako?

Tumango ang kumikinig na si Imelda Santillan.

MADALING-ARAW nang dumating si Abogado Daniel Murillo sa kanilang tahanan. Dinatan niya ang kanyang ginang na nakasubsob sa mesang panglamay. Walang imik na nagbhihis ang manananggol. Nahiga. Pagkaraan ng ilang saglit ay naghihilik na ang abogado.

Ilang linggo ang nakalipas. Isang araw, sa pagdulog ni Melda sa hapag-kainan, ay nakita niya sa tapat ng kanyang lilikmuan ang isang pahayagan. Hinawakan niya yaon upang itabi nang madantayan ng kanyang mga mata ang isang larawang nakalimbag doon. Hindi sinasadya ay naunawaan niya ang 'nakalangay' roon: *Si Dr. Jacinto Tanghal, kilalang manggagamot ay maglalakbay upang magpakadalubhasa sa sakit sa puso.*

Natutop ni Melda ang kanyang bibig sa pagpigli sa pagtangis, sapagka't bigla niyang naunawaan na sadyang may naglagay ng pahayagang yaon sa kanyang likmuan upang mabasa niya ang balitang yaon. Nang itaas niya ang kanyang mukha na tigib ng di mailalarawang dusa, ay natamaan ng kanyang mga mata ay ang nakatayang asawa niya sa bungad ng pinto sa kusina... Yaon ay nakangiti.

Napatakbo si Melda sa kanilang silid-tulugan. Dapuwa, pagdating niya roon ay natamaan ng kanyang mga mata ang dadalawampung-piso sa kanilang kuwadro... siya'y napatili.

PATULOY ang daloy ng buhay sa dati ay maligayang tahanan nina Abogado Daniel Murillo. Walang nababago sa mga takbo ng mga bagay-bagay kung ang ukol sa sigla ng mga bata ang pag-uusapan, bagaman malimit na napupuna ng mga bata ang panamlay at tila panghihina ng katawan ng kanilang mahal na ina. Ang tanging nagiging kapansin-pansin sa mga bata ay ang nabagong dako ng pag-aaral ng kanilang ama: Ngayon ay sa silid-tulugan nag-aaral ng mga usapin ang kanilang ama at hindi sa silid-aklatan. Subali't nasiyahan ang mga bata sa sagot ng kanilang ama nang yaon ay tumugon sa kanilang pag-uusisa:

—Alam ninyo mga anak, ibig kong may kasama ang inyong Mama sa pagtulog at nang hindi siya naiinip... Alam na naman ninyo na ayaw na niyang mag-aaliw sa labas, dahil sa nanghihiina raw siya sa malimit na pagpuyat.

Pinid na rin ang tindahan ng mga damit ni Melda sa Central Market. *"dahil ay hindi kaya ng Mrs. ko ang malabis na init sa loob ng pamilihan"*, at ang dahil-ding iyan ang naging pagkakilala ng mga bata.

Patuloy na umaani ng tagumpay ang mga anak ni Abogado Daniel Murillo, at sa bawat pagtanggap ng mga yaon ng mga medalyang ginto at pilak, ay ibinubulong ni Daniel Murillo sa kanyang ginang:

Inaakala mo kaya na kung nalalaman ng mga bata ang sanhi ng pagkakaroon mo ng dadalawampung-piso mong yaon ay makakamit nila ang mga medalyang yaon ng karangalan? Natiitig ko sa iyong hindi, sapagka't sila'y manlulupaypay... Ika-

hihiya nila ang paglantang sa tao at mawawalan sila ng hangad na sila ay makita at marinig...

Isang gabi ay nakapagpalagay si Melda na ang kanyang mga paghihirap ay nasa sukdulan na at dapat na yaong wakasan... ano man ang mangyari at ano man ang kasapitan. Tinapatan niya ang kuwadro at tinangkang kunin ang nakalaman doon, at saka siya magpapakamatay. Subali't, waring may bulong siyang naulinigan na siya ang kinakausap:

Ilihim mo ang tunay na pinangalangan ng dadalawampung-piso mong iyan. Ang pagkakabunyag niyan ay mangangahulugan ng panlulupaypay ng ikasigla ng iyong mga anak... At ikaw rin ang kahabag-habag... Kikilalanin nilang ikaw ay walang turing... at ikaw ay kanilang susumpain...

Nanlabo ang mga paningin ni Melda... Iniinut niya sa kawalan ang mga bisig niyang ngayo'y pawa nang maninipis at walang laman... At, hindi niya mapigil ay sumigaw siya nang sumigaw... Sumigaw siya nang walang tigil, at walang nagawa ang pamamagitan ng mga utusan nila!

Nang dumating ang tinawang si Abogado Murillo at ang mga anak nila: si Melda ay walang malay at halos bangkay na sa pagkakahiga...

TATLONG manggagamot ang namulatan ni Melda sa kanyang piling. Dalawa ang nars na sa kanya ay nagbabantay. Subali't nang ang isa roon ay lumapit sa kanya upang painumin siya ng gamot: siya ay umiling.

Sa loob ng may apat na buwan ay nabubuhay si Melda sa pamamagitan ng gamot at inyeksiyon. Hindi na halos siya kumakain, nguni siya ay nagtataka at hindi pa siya mamatay, gayong yaon na lamang ang nais niyang mangyari...

Isang araw, sa paghahangad ng nars na siya ay malitang at tulay makabatid ng ilang mga pangyayari ay humawak ng pahayagan at siya ay binasahan. Walang ano-ano'y bigla yaong napabalalag ng salita at ang sabi, "Naku Mrs!... Gagaling na kayo! May isang dalubhasa sa sakit sa puso na dumating ngayon...

—Narito na po... Si Dr. Jacinto Tanghal, Mrs.

Nanlaki ang dati ay nanlalam-

—Sino iyon?—wala sa loob na tugon ni Melda.

lam nang mga mata ni Melda. Natutop niyon ang kanyang biglang sumakit na dibdib... Humingal. Pagkatapos ay muli siyang nawalan ng malay...

PAGKARAAN ng pagsusuri ng tatlong manggagamot na nag-aalaga at nagsusuri sa karamdaman ni Melda buhat pa sa simula, ay malungkot na sinabi ng mga yaon kay Abogado Murillo: Wala na kaming magagawa, Attorney! Tatlong oras na lamang ang nalalabi sa kanyang buhay!

Namumutlang napakagat-labi si Abogado Daniel Murillo. Hindi sinasadya ay napalapit siya sa halos ay wala nang buhay na anyo ng kanyang asawa, at tigib ng habag na hinawakan ang kanyang kamay niyon.

Tila yaon himalang nagpamulat sa mga mata ng may karamdaman, at pabulong yaong tumawag: Daniel!...

Yumuko at tinunghayan ni Daniel Murillo ang mukha ng kanyang asawa.

—Daniel... —marahang wika ng may sakit.—Matagal nang ako'y naghihirap... Alam kong ako'y nagkasala... ng isang napakalaking pagkakasala... kaya ako ay nagbata at nagtika... Alam ko ring ako'y hindi karapatdapat na iyong patawarin... nguni... ngayong ako ay mamamatay na...

—Melda!... gumagaling ang tinig ni Abogado Daniel Murillo.

—Melda!... saklot ni Daniel Murillo ang kanyang nagulong buhok.—Melda...

—Daniel... Kulang pa kaya ang mahabang panahon ng aking mga paghihirap upang mapatunayan ko sa iyong ako'y nagtitika at pinagdusahan na ang lahat ng kabiglaanang yaon!... Kinakailangan pa kayang ako'y mamatay at mabuhay na muli upang iyong mapatawad?... Oh, Daniel!... Kay lupit mo pala...!

Napatayo si Daniel Murillo. Abot ang patak ng kanyang mga luha at basag-na-basag ang kanyang tinig:

—Melda, matagal nang napatawad ka ng aking pag-ibig... Oo, noon pang gabi na sinunod mo ang pag-aalis sa larawan ng ating

DR. FLORENTINO N. SANTOS

Nag-especialista sa American Hospital of Chicago, Amerika.
Sa operasyon ng sikmura, apdo, bocio, at bituka.

DRA. CARMEN ENVERGA-SANTOS

Nag-especialista sa Unibersidad ng Harvard at Loyola, Amerika.
Sa hindi magka-anak, panganganak, sakit sa matrix, sakit sa obario
Alcazar Bldg., Carriedo at Estero Cagado, R-212 — 9-11 N.U. 3-6 N.G.
Tel. 3-70-62
Guro sa Kolegio ng Medicina sa pamantasan ng Sto. Tomas

Tandaan at Gamitin



EAGLE CATSUP
EAGLE JAM

kasal... Ang nalabi lamang sa akin noon ay ang pagmamahal ko sa aking karangalan... Gayon man ay napatawad na rin ikaw ng karangalang iyan... Nguni, hindi ka umlimik sa akin... Hindi ka naghangad na makipaglapit sa pagpapaumanhin ko...

—Ang nalabi kong kaunting karangalan ang pumigil sa akin upang magpalimos ng habag mong akala ko'y hindi mo mai-pagkakaloob sa akin, Daniel... Sapagka't kinikilala kong sad-yang napakalaki ang nagawa kong pagkakasala sa iyong pag-ibig at pagtitiwala... Nguni... ngayong tila wala nang nalalabi sa akin upang muling malasap ang maalo mong pagmamahal... Ngayon ako sumasamo, Daniel... Patawarin mo ako...

Sumubsob si Daniel sa dibdib ni Melda.

—Melda!... Melda... Pinata-tawad kita!... Pinakamamahal ko ikaw!...

Nanluwag ang mga bisig na nakalibid sa batok ni Abogado Daniel Murillo. Nang tumunghay



Makikita sa larawan si Bb. Zorayda Garcia, naging Reyna ng Nueva Ecija Southern Colleges, sa Gapan, Nuweba Esiha, samantalang pinuputungan ng korona ni Nida Blanca, bituin ng LVN at ng makatang Cirio Galvez Almario ng Bulaklak Publications.

siya sa mukha ng kanyang niyungyungan, ang multha ng kanyang, asawa ay wala nang kaku-lay-kulay, nguni, nakangiti!...

WAKAS

Mater Purisima
(Buhat sa pahina 29)
pagkaloko.

—Aba, huwag po naman sana kayong pakabigla, nang pagsasa-

“Ako'y gumagamit ng Pond's Cold Cream tuwina... at naiibigan ko ito!”

ani

Antonia Drexel Earle

Isang kahali-halinang kagandahan at pagiging kaibig-ibig ang mamamalas sa mukha ni Gng. Earle, at hahangarin ninyong makilala siyang lubusan.

Kayo'y lubos na magagalak sa inyong nadarama, kung nalalaman ninyong kayo'y higit na kaibig-ibig at higit na marilag. Na maaakit ang ibang tao sa pagkakita.

Tiyaking mailantad sa daigdig ang pinakamaganda ninyong mukha... sa paggamit ng kremang, naiibigan ng kahali-halinang si Gng. Earle na natuklasan ang tumpak na panlinis at pagpapalambot ng kutis—sa Pond's Cold Cream. Tuwing gabi at umaga pahiran ang inyong mukha ng katangitang Pond's na ito:

Soft-cleane—Imasabe ang Pond's Cold Cream sa buo ninyong mukha at leeg. Pahiran upang matuwo. *Soft-rinse* pahirang pang mull ng makremang Pond's upang lumambot ang balat. Pahiran ng *magan*.

Masdan ang inyong mukha na mananatiling malambot at sariwa, at malinaw pagmasdan—kung gagamitin ninyo ang Pond's Cold Cream sa tuwina. Bumili ng isang taro ngayon!



lumilinis

nagpapalambot

nagpapakinis

...ginagamit ng maririlag na
babae sa daigdig



Antonia Drexel Earle—Sa lipunan sa Amerika, si Gng. Earle ay kilala sa kagandahan at sa kahali-halinang kutis. “Wala na akong nalalaman pang ibang krema na maihabalili sa Pond's Cold Cream,” aniya.

₱500.00
Gantimpala
SA MADALING TIMPALAK
NA ITO NG
CASADEL
hermoso

Ang tanging gagawin lamang ninyo ay ang gumawa ng lalong pinakamaraming kataga sa pamamagitan ng paggamit sa 3 ng alin mang titik na bumubuo sa pangalang CASADEL HERMOSO. Ang kataga ay maaaring maging mahigit pa sa 3 titik. Halimbawa: ASAROL, OSO, LA LOMA.

Sa sino mang makapagpadala sa amin ng pinakamaraming tumpak na kataga na may 3 titik na nagbuhat sa pangalang CASADEL HERMOSO, ang mga sumusunod na gantimpalang salapi ay ipagkakaloob:

₱250...UNANG GANTIMPALA
₱100...IKA-2 GANTIMPALA
₱75...IKA-3 GANTIMPALA
4 NA IKA-4 NA GANTIMPALANG TIG ₱10
3 IKA-5 GANTIMPALANG TIG ₱5
10 IKA-6 NAGANTIMPALANG TIG ₱2

MAHALAGA! Huwag kalilimutang lakipan ng 1 etiketa o takip ng kahita ng CASADEL HERMOSO ang inyong ipadadalang lahok o talasan ng mga kataga. Ang timpalak ay matatapos sa Hunyo 30, 1953! Ipadala ang lahat ng lahok sa 646 Taborn, Maynila, o dili kaya sa P. O. Box 2008, Maynila. Kung walang mabilling CASADEL HERMOSO sa inyong botika, gamitin ang kupon sa ibaba at ipadalang kalakip ng inyong lahok.

Hermoso Drug Store—Dept. B-5-27-63
P. O. Box 2008, Maynila

Kalakip ang halagang ₱1.20 para sa isang taro ng CASADEL. Nangangahulugan na ang lahok na kalakip nito ay kinali sa timplak at tatanggapin ko ang taro ng CASADEL sa pagbabalik ng korea.

Pangalan

Tinitirahan

Magbili kayo ng CASADEL HERMOSO at 3 SISTERS FACE POWDER sa inyong inalawigan. Mabuting komisyon. Makipag-alam sa 646 Taborn, Maynila o sumulat sa P. O. Box 2008, Maynila.